

鄭詩卷之二

閩中鄭善夫繼之著

郡人鄧原岳女高

謝肇淛在杭同校

東海有一士

東海有一士被服雲錦裳饑飧炎洲霞渴吸瑤
池漿鶴馭何翩翩九垓一相羊朝發崗艮野夕
憇沉默鄉瞻言與汗漫抗臂窮洪荒九州雖云
大視之如室堂紛紛尺蠖徒看彼鴻鵠翔

黃伯固

黃郎遯世士抱影處空谷擷芳上木末采藻立
水澳妙善難可隣歲暮守幽獨懷姝匪自媚出
門重結束風雲一撫念故術草豐蓐鄙夫附丘
阿達者從所欲康樂營石門知章疏剡曲存道
苟不貳豈貽山靈辱

秋夜遲王員外時行

涼風升寒節切切充重幃堅冰戒時至鴻鴈明
其幾春滋淨不處秋隼方高飛鑿物沉幽志誰

能不懷歸素月臨丘榛灼灼澄員暉員暉豈不
愛零露沾我衣遲我同懷子濡滯尚安之呼琴
爲子鳴調苦使心違不恨歲載徂但恨知音稀
盈縮本恒理傷哉生別離

初離京邑留別諸同志四首

陳車遵城闔振策導廣路仰盼孤雲征俯見流
波泝感念平生權豈以杯酒故羣居不自覺相
失增怨慕川河引舟楫陵陸曠烟霧重觀難可
尋努力敷襟素

其二

浮萍戀故波，離鳥思故林。故林旣得期，倚侶無遺音。與子共朝夕，奚堪更商參。山河日以邈，霜霰日以深。鴻鱗無時至，安能訴幽襟。晤好諒有時，迅節忽載陰。願言敦明德，白首慰離心。

其三

馳車太行坂，北首入楚澤。迷途不早悟，困頓安所適。爵服載憂患，趨者何充斥。流俗日向靡，胡爲重濡跡。京塵復何長，不見所緇白。凡駘御文

輿赤驥，且辟易。誰能違衆好，共整東山屐。

其四

長歌逾薊門，凝眸眺崇京。陵闕何崔嵬，馬行令心怍。雖云返鄉域，不獲偕良朋。勞鶻無勁翮，斷鴻有離聲。幽期莫可竝，沉慮獨拊膺。

天末逢故人

不耐秋風搖，落後與君把。袂看飛蓬關，山無地干戈。息江海，何年笑語同。歲晏柳條那忍折，天涯車轍尚難通。蕭條更問桑乾路，目斷園陵煙

天津同王劉二子較射西營因賦長歌

病夫平生滄海情南征喜得王時行天津橋邊
秋氣清邀我醉遊劉伯耕投壺叫白意未已乃
復較射城西營劉君膂力信莫當控弦運肘固
所長王郎生長在南方亦能左挽五石強調弓
坐使猛獸伏矯矢豈有飛禽翔當場角勝不相
降神臂拍張人堵牆伶人考鼓輿臺走白日冉
冉迴精光鋒翎衝撞氣益揚觀者顏色歛沮傷

熊渠以上合比數拔勝之輩斯尋常病夫雖然
力不足見爾誰能分碌碌騰身卽把忘歸接引
手轉被繁弱搗沉思重自咎百罰敢辭辱忽憶
先皇時此技何曾錄承平却作寬器比喪亂

始識文事踴乾坤比年氛祲厚幽豫青徐虎狼
吼專城將軍習逃走遂令死者十八九至今楚
蜀猶未夷六軍雖衆能者誰轅門衣冠更寬博
教場藜莧成町畦吁噫王劉學孔子反有餘力
從事此幸須爲國收多墨吾聞茲藝德之輔匪

直區區爲閔武君不見矍相圃公罔之裘揚解
語衛昌蒙弄巧弗取射乎射乎吾愧汝

野田黃雀行

玃玃黃雀集彼榛柯上有鷺鳥下有虞羅低飛
不可高飛奈何曷不去此野田有禾鵬雛搖搖
隼則制之兔且纖纖鴻則罹之龍潛在淵可以
全身壤夔不屈何以引伸朱鳳威垂稠羽是依
鴟梟化之矰弋安施

見蜚鴈

涼風動沙磧朔鴈至紛紛爲避陰山雪翻衝楚
澤雲嗷嗷清作籟總總字成文意適稻梁得心
驚弋彈聞時縣出塞夢宵妬下韞勛遠愧青田
鶴高飛絕世氛

夜入魯北鄙

不見黃花面淒其白鴈前清渠接淮泗衰草入
幽燕月露猶團夜兵戎更積年歸途不可極賈
夢歲寒天

放船

梳樓下急浪去險在毫端已識篙師巧方憂局
道難此溪防罔象何日避風湍頗羨玄真子清
時把釣竿

泗上

總總衣冠地方冬生事繁牛羊散迥野煙火接
長村雜藿農人聚分瓜稚子喧如何惡官府鑿
破此淳源

對湖二首

滕滕玄陰日團團照水隈鯨波動霄漢鼉鼓挾

風雷地盡青山杳天寒白鳥回輕帆未相失自
此訪蓬萊

其二

遠水明如鏡平林渺欲迷天多足鴻鴈沙暖定
鳧鷖秋事關身世湖聲避鼓鼙老漁吾愧汝曼
衍聽天倪

汝上對月聞笛作商調哀切命船人度曲
爲和因賦醉歌

馬者八月高風起鴻鴈羣飛渡洪水月下清砧

愁遠入天涯芳草思公子王郎哀時最蕭瑟萬
里迢迢向南國呼我上船設冰鱸仰天頌酒開
胸臆關山茫茫何處邊但見急管哀中天馮夷
聽曲波面出楊柳亂落西風前酒酣月落歌未
已隴思江情嗒然起未掛姓名玉策上願添海
水金樽裏人生合歡那可測有似大海翻萍葉
回首親朋各別離豈無江漢通舟楫流光過鳥
不復駐達官好爵身之蠹况迺豺狼橫地軸何
限驂騮窘天步竹林諸賢皆酒徒嗣宗只願步

兵厨古來賢達一澌盡醉鄉之托今何如

過彭城懷舊二首

自有干戈後年年向此過乾坤未解甲江海且
增波拊劒心逾壯經時髮易皤渭南無夢到終
是臥煙蘿

其二

憶昔此避地諸君慰我多別來淹日月望爾邈
山河洒淚山陽笛關心隴水歌猶聞殺長吏飄
泊復如何

呂梁

葱嶺崑崙外呂梁天地間
泐騰終赴海咆吼欲
頽山力轉魚龍窟
秋生虎豹關平生歷險阻對
此淚潸潸

謁留侯祠

吾慕張子房乃是紫霞客
志士有苦心麟趾暫
驅策功陳博浪沙折節下黃石
談笑用漢祖畢
志任所適神山逝朱鳳
鷲鳥空累百

悼劉宓

宓也歸何處營魂不可招
只疑天地闊竟作死
生遙苦海風濤壯炎方
罔兩驕傷心臥佛寺秋
雨自蘭若

得思道消息二首

聞汝還家後逢時俶擾初
艱難仍被寇墨經却
離居邊徼猶多故山園未可鋤
棠陵幸襄事亦
得慰區區

其二

近逢黃吏部報爾在三衢
志士傷泥滓南州困

狹偷時危離索久歲晚帛書無却憶吳門約蕭
條愧病夫

聞開化用兵寄思道

舊是桃源地如何喪亂滋荷戈連老少流血滿
潢池蜀道奔惟汝荊州仗有誰尊翁在垂白莫
遣怨流離

聞吾廷介避亂客死藁葬道隅

識面胥臺夕論心滸墅時功名非爾輩文藻是
吾師命薄長遺世才高更忍饑天如產麟鳳王

不夢能羆久着東山屐頻歌濮水詞邴原明進
退杜甫昧生涯已是哀黃髮仍兼陷赤眉修身
渾欲到得禍一何奇寂莫榼楹折荒蕪氣運衰
人皆牖下死子有道傷疑叔寶時多惜嵇康我
獨悲君門數行淚不但致吾私

聞孫山人在西湖水寺

吳門往日聽談玄塞鴈江魚動隔年聞爾獨居
水西寺與誰同泛六橋船魚翻荇帶錦不亂鳥
下蘼蕪青可憐擬把郵筒共梅莖兼程定得小

春天

歲晏懷近夫

不見殷郎又一年，每憑魂夢到青田。
成家文學人皆仰，爲邑風流世共傳。
嵇呂豈辭千里駕，桃李哀真結此生。
緣孤山雲物負殘鴈，鴈宕煙霞愁遠天。

憶弟

去年蘇臺送汝歸，布被獨臥愁依依。
畬田力薄霜雪厚，憐汝受凍仍啼饑。
北有鴻鴈南鯉魚，但

見風塵不見書，深林大道防豺虎。
萬里看雲涕如雨。

白下訪方山人

山人不是方外客，十載江湖桑苧悲。
豈爲饑寒歷辛苦，坐教詞藻歛瑰奇。
南征却道如司馬，老去終傷失惠施。
白下風煙得見否，憶君長誦考槃詩。

猛虎行

玄陰冥冥天欲雨，蒼兕嗥風劈林莽。
磨牙下山

天爲愁白日殺人如捕鼠我忽聞言仗劍出彎
弓却射白石入吁嗟鳳麟無時來故使此輩爲
民畜不然驅汝渡河去河北蒼生非草萊

鍾吾行

皚霜凜凜顏楊柳鍾吾驛前白狐走山東虎穴
已盡除淮北人煙亦何有自從天狼犯東斗殺
掠如山如拉朽四溟兵氣寂不揚縱有城隍誰
則守黃河無梁葦可渡曷不去此甘爲虜就中
一室三十口那得孤兒應門戶投生避死誰不

知鍾吾令長實王之

桃源行

黃河水盡蛟龍馴桃源沙飛愁殺人東方亂後
再反覆憶昔過此增煩辛扁舟困頓不得攜賊
壕只在河東西路官邑子微服走大屋高門械
鏡啼到今事定還是非請問流民歸未歸

行淮北戰場

我軍渡淮水倉卒見賊壘一聲金鼓鳴馬躍
風起三千義兵坐倒戟一日同赴黃河死嗟爾

漁樵人何曾識蒐狩但聞鶴唳膽已落乃使執
盾從敵後邊頭將軍故縮手要取金印大如斗
淮陰寡妻啼向天遺恨東行劉太守

金陵

紫禁金門閉寂寥不聞清樂下丹霄 高皇事
業如天地過客何須話六朝

大雪行三茆山中

解束悟服食營慮結山水比聞三峯秀賡懽一
來此同雲布坤維六花漫不止升危滯遐蹤寓

目殺高志真源不可往罔域兼泥滓居凡殊所
厭還丹亦難恃太虛本宅無彭殤同已矣安得
莊生達相與析玄理

孤山寄太白山人

爲問山人孫太初交情歲晚莫交疎孤山梅萼
春相惱滿地松苓日自鋤江夏肯容禰處士茂
陵初臥馬相如知君不廢蒼溪釣書帛能無寄
鯉魚

天竺

旬有五日出
關風伏雨寒蕭蕭
偶爾尋僧
入三竺多方索梅窮
六橋黃精紫蕨亦自飽
瑤草璫花還見招旌旄
滿山江浪惡腐儒解組爲
漁樵

牛首

牛首有佳致方冬亦自奇
同雲封地軸積雪糝
松枝谷響傳鐘磬山昏泣罔魑
憑高俯王土何
意有旌旗

遊煙霞洞天

今我忽不樂駕言結遊駟
遙望南山木鬱鬱有
真意崖瀑垂素幢谷風擊繁吹
洞幽無別踪白
雲謁而至狨啼修術暗猱閑
樛枝墜山精綠羅
衣見客宛自媚形遺物不違
真存道匪貳鑿茲
泱心想去與衆俱棄

臘

南州不待律臘後暖相催
久客惜殘歲他時聞
落梅家家斗酒會何處
短筵哀却憶江西北
漁樵戍未回

歸來

不作東曹屬歸來巾屨幽豈能効舐痔聊且避
犧牛玉木深防病瓶壘未省憂此邦蝦菜賤家
室暫淹留

進衣

何處避冰雪頻懷負日暄未衰筋力憊獨立布
衣存列子愁居鄭袁安早閉門粵南多爽氣歸
去牧雞豚

兵起

自有西江亂流民起帶刀操差盡孺弱殺戮到
耆髦虜馘時猶獻軍需日更騷長纓未得請無
計洗腥臊

錢塘

萬山赴海國衆水匯錢塘王氣千年歇潮聲八
月長世傳渾罔兩天巧亦荒唐稍待涼風發乘
槎問彼蒼

贈何仲默

何子生知姿弱齒咏鳳皇垂帷破墳籍一目能

十行雅調走鮑謝雄才抗班揚黃鍾一徹虛絲
管空鏗鏘陸沉金馬門卒歲泣麟傷賈生亦逢
時杜甫終爲郎古來聖哲士位細非所妨光光
大復山後賢永相望

贈近夫

石川山東晶童稚只自樹昔探莊老窟終蹈宣
尼矩學術通天人聲華照區宇中年隸宦籍志
豈屑軒組桂冠四五載遜迹謝官府近因避虎
豺復出圖三釜海邑方用兵庶務紛蚤聚才聞

僭寇恂已見思何武吾觀江河流喧歷惡足數
發越州

生無冠組分碌碌守逸遭越南十二月盡室復
遠遷故國眇天末扁舟薄言旋閩中地氣暖可
免絲與綿舊業雖荒蕪尚有一頃田他鄉困饑
寒胡爲重畱連且聞江海熟已不憂荒年此州
固信美旅寓豈其然盤飧未易違薪水亦費錢
雖得山水玩顧非貧士便素癖厭人事況乃居
市廛毅然舍此去飄飄御風煙夜泊桐江雲放

歌漁父篇朝登富春山釣臺兩高懸如云迫逼
暮蟻覺忘憂煎行復經武夷真詮落吾緣引手
向紫霞高招控鶴仙沅澧亦可飽安能逐鷓鴣
蹢躅禹跡裏表情向誰宣

臥

黃帽青鞋何處尋道人高臥南山陰閒誦維摩
一百偈白雪牀前三尺深

遊子

桐江水清石可數遊子思歸作漁父空谷春深

記薜蘿長途日暝憂豺虎入林何曾見赤雀結
舌詎可賦鸚鵡皇天反正誰則知有客哀傷重
延佇

嚴陵灘

咄咄嚴子陵竟不能下爾迢迢富春山濶濶桐
江水眇眇窮居士皇皇漢天子當年布衣交一
旦君臣禮渭川罷釣綸莘野釋耒耜上賢等天
瑞所願贊天紀但非魚水會徃徃委泥滓明王
久不作吾道長已矣

去年行

去年狼山北風緊斗間坐見狼星殞南下旌旗
若震電東奔盜賊如蓬粉皇天厭亂欲大誅爾
輩曷早爲身圖好趁天兵未臨女卽銷鋒鏑作
農夫

兵馬行

越南諸州復召募滾滾盡赴姚源戍鉦鼓聲填
滄海鼉旌旗色閃扶桑樹櫓槍耀芒犯女斗虎
豺也更能咆吼部伍存亡不可知擣衣愁殺閨

中婦天寒野營雪嵯峨指墮未易親干戈幾時
奏凱標銅柱願得將軍似伏波

百憂行

自我結束出門時正值世路多艱危匪才被蒙
主司錄壯圖恐負平生期刑臣干紀作厲階此
輩乘勢爲狐狸朝中衣冠死桎梏意外括索空
茅茨君門萬里不可測虎豹九關那得窺所以
流殃遍海岱使我積憤齊峨嵋一時安化起作
孽敢睨神器寧無詞山東鐵騎皆王臣亦忍弄

其於潢池 高祖社稷豈易改 孝宗惠愛無
子遺所賴 天子開神聰大加顯誅不復疑繼
是諸賢出補苴至今萬姓猶瘡痍朔方三邊屢
入寇桂林羣獠長勞師意者蠻貊本梗化雖在
平世亦若斯荆巴乃是荒服內五載恃險夫何
爲要之主將愛生事民瘼肯與朝廷知遂令赤
子化魑魅乳臭小兒盡緋衣況聞村落吏捉人
比併只爲供軍需去年華林覆大眾今年姚源
殺偏裨乃者狼兵豈得已所過慘於熊與羆四
粒食莫爲非

憶李御史雲

方郡邑所召募紀律不一皆逃歸以此公私厭
金革廟議復欲爲羈縻安得一下罪已詔民得
憶昔在吳會與子共昕夕劇談倒百壺醉咤滄
溟窄晨光倏不處人事轉淒惻子復苦羈旅子
已作逐客鄱陽波浪深南岳瘴霧塞鴻冥天萬
里帛書經歲得誰知消息來竟作幽明隔冥契
既永逝今我何蕭槭曩時青蓮花持抱化爲石

回首靈源山雲際且屏迹

故太傅于公謙

太傳出南方眉宇天人表曩在英廟朝諫論
多了了三邊正統末胡羯日倣擾先皇巡朔
方虜騎伏潢沼黃雲阨塞垣仙仗迷周道法駕
一蒙塵作意索金寶京城旣搖動和議雜紛糾
公時贊戎機決策截瀾倒告廟定儲君誓衆守
隍堡耀兵向陰山直欲舉征討居庸扼咽喉鐵
馬豈得搗坐令虜計窮食盡師遂老翠華果全

歸黃屋免再造雖重獲罪戾社稷功非小功高
反殺身於古亦嘗有固由天威赫寔爲青蠅媿
天日終輝輝卽見是非睠神衷啓後聖殊錫
達幽眇憶昔靖康亂謀國何草草堂堂宋諸良
唯唯遵和好甘心拜犬羊所以至絕島直書在
史氏公節須皦皦

贈方豪

崑山天下士杭懷薄秋旻作詩接元白開口奔
鬼神狂來放厥詞妙得造化真習尚罕時好結

交必古人三年策仕版入口還憂貧民谷日南
澆直欲回其淳尸名况疾惡所以譏柄新鄉陽
固得譏鄭僑終見親迷途墮老洫誰辯玉與珉
君看棠陵山萬古當嶙峋

卽事

卽事春相近回船日日操微陽留朔雪久早失
溪毛衢府風煙改常山斥堠高危途疲繭客泪
泪向蓬蒿

謗興

日月隨人事溪山共客情水清魚避影松靜鶴
留聲枌梓怡前輩文章達後生時聞扣牛角猶
愧似要名

嚴州

小傳清江並孤城碧嶂防土宜多竹柏民業但
耕桑稻熟還官得山深伐木長經過數州郡淳
朴見茲鄉

歲晏行

烏龍山頭鴉亂飛客子迫歲憂素黍姚源餘孽

幾及覆玉山一路方塗泥黃雲阨關虜狄噉前
有戈鋌後鼓鼙十年通籍何辛苦猶自飄蓬負
老妻

歲暮入江郎山訪周山人

江郎三峯開畫屏上有朗朗處士星脩淵將到
壺丘子憤世却續南華經松間相信鶴一隻洞
口長生芝數莖釣渭耕巖不違志乘桴余亦下
滄溟

須溪除日

茲夕乃何夕忽忽歲云徂南征歷寒溫猶滯天
一隅去年闔閭城今年姑蔑墟風塵久未厭豈
得念故都懷中兩女兒旦夕如長鳧出門初學
語今能効屠蘇團樂豈慰意惻惻悲隙駒比鄰
數知舊別後還有無爵服旣不情鈴汞亦我誣
九野天浩蕩奄奄正愁予

梨關

梨關不可上戰格屹雲端閩浙乾坤別風煙道
路難隄防莫蹙廢戎馬未全安謬想先皇日

竹枝詞二首

西澗西邊東澗東，千山不斷萬山通。
謝豹見春啼出血，王孫上樹捷如風。

其二

梨嶺遙於楓嶺遙，小關高比大關高。
傭夫過嶺如平地，一歲來迴一百遭。

八日

病起獨吟溪上樓，煙波雲木共悠悠。
細斟栢葉

酬人日湯嗅梅花憶隴頭，天遠美人長在望。
路危春色未銷憂，南行故國柴門迥，擬把綸竿伴白鷗。

送王叅知赴闕

大叅行赴闕，興落富春前。六月樓船雨，千山傳馬煙。
白雲留故國，綵服媚南天。知爾寧親後，屏營金鑑篇。

畫鷹

似欲飛騰起，星眸勢可招。平生酣白戰，遠志碍

青霄竹兔何愁得林麕不敢驕無由配鸞鳳勿
以比鴟梟

八月二日

曲巷疎籬小院幽荒村獨夜竹桐秋星河正值
銷魂地鴻鴈還過何處棲臥病豈堪聞木葉息
橫猶自着羊裘碧霄萬里風雲氣起凭危闌歌
四愁

憶近夫

吳門相失後書札各茫然巢父終東去劉郎重

北遷雙鳧赴魏關獨鶴下青田未見風塵淨懷
君涕淚邊

楚客

楚客望不返行坐楚天心荆門未可涉洞庭波
正深

臯魚子

陟阿丘以風白楊搖搖朝暮中烏棲白楊樹飛
過阿丘宮臯魚子抱樹啼爲我問終風何事無
已時父母不得養兒心亡絕期兒心有絕期木

華落盡風不吹

得思道書

伏枕忽傳車馬使攬衣迎問已沾巾開緘蕭颯
見汝面回首蒼茫任此身司馬著書長抱病黔
婁爲道不辭貧滄江冷落梅花晚獨抱遺芳向
遠人

答近夫思道

憶昔二吳共臨眺上山不用杖藜扶只今臥病
難行立聞爾加殮定有無千里音塵雙涕淚萬

方憂患獨泥塗蠻煙朔雪催人事愁對城南鵝
鴨湖

今辰行送張敬中

今辰何辰秋復暮黃花欲吐且未吐越王臺上
風不迴謝女江邊葉如訴征途遙遙不肯住歲
晏天涯向何處冀北能無屬目雲閩南會見傷
心樹憶昨奏賦大明宮綈袍布被昕夕同于時
公壯我尚少許身奚啻登夔龍黃塵白日兩相
蒙世事變覆真太匆十年風波苦汎梗一旦鬢

髮成飄蓬阜鶴飛來意怠香龍媒跛足眠芳草
勛業空嗟明鏡中巾鞋早向荒山道公今走馬
黃金臺黃金安得如山堆自信材官少貧賤豈
有志士久塵埃石田豆苗半枯死余獨憂勤弄
煙水劉向何心厭簪紱管寧薄命甘泥滓他日
西方相憶無北魚南鴈徒爲爾

送林仲穎赴馬平

東浮淮海三千水南過羅浮四百峯知爾欲尋
勾漏令會看雞犬白雲中

登道場絕頂用太初韻

峯頭獨立雲霧飛天畔風迴蒼玉扉深林日落
豺虎伏橫江浪高舟楫稀舉目中原望不極側
身滄海愁依依峴山雪水秋意動故園幽事行
當歸

鄭詩卷之二

終

鄭詩卷之三

閩中鄭善夫繼之著

郡人鄧原岳女高

謝肇淛在杭同校

秋興七首

閩闔風吹庭樹柯乾坤西北尚提戈舊京芳草
秋猶積絕塞浮雲今奈何不耐隱憂侵白髮竟
將吾道付滄波碧雞金馬非前日獨倚江樓聽
棹歌

其二

湖上清霜淨柳條南天九月氣蕭蕭歲寒蘭芷
將無變日暮豺狼迴自驕三輔尚淹王景略北
庭終數霍嫖姚風煙着處堪踈濶白水青山每
見招

其三

且喜鎮兵收楚蜀十年戰伐可勝情誰家寡婦
哀初散萬國秋笳咽未平祗見 帝恩優赤縣
稀聞官府念蒼生請看咫尺輪臺詔今日蠲除

征又征

其四

釣臺南畔萬家墩昔日豪華天下聞石首槎頭
爭水陸綺衣朱袖照乾坤年荒禮樂今何有日
短麤豪空復存破帽蕭蕭江海客側身玩世欲
忘言

其五

羯胡牧馬下陰山西塞諸軍永不還萬里角聲
悲歲暮三邊烽火直函關腥膻已入襟喉裏桴

鼓深防霄漢間聞道凶門屢推轂總戎何日斬
樓蘭

其六

黃河南岸消息微甘肅寧夏邊人非清秋古戍
軍需闕白日西山餉道違警急大庭脩馬政承
平裨將玩兵機願將干羽收金革莫令漁樵着
鐵衣

其七

南州臥病聊卒歲東山草堂難去歸行年三十

鬢已改有懷突兀時多違白湖鷺鷥風波亂畫
省冠袍日月非人事天機更消息狂歌清淚滿
荷衣

登無諸城南樓

越王城東江欲濤越王城上烏山高元龍愁雨
久在野病鶻憐風空解縑西望佳人息環珮南
來樂土避弓刀園葵一飽那可得今日登樓心
獨勞

汨汨

汨汨傷秋髮依依欲暮年釣磯滄海上布被白
湖邊避地親朋棄憂時夢寐牽無家杜陵老且
結草堂緣

梧兒初學語

梧兒生六月孩笑識人情得汝愁俱破于人眼
盡青蹙時聞學語何日見趨庭爾祖能看我回
頭涕泗零

伏雨

瀝瀝猶鳴且淒淒欲作寒晚禾翻惡濕后土故

長乾敝屋久僵臥凶年甘糲殮持觚向人世未
得脫艱難

贈周用賓歸江郎五首

岩岩三神山鬱鬱山上木叢林糝古雪雲際守
幽獨附枝中梁桷匠石豈不欲寓形萬仞岡沅
瀟空中浴其名曰冥靈千春葆芳躅桂樹亦歲
粦迺有斧斤辱

其二

衡陽何所有江郎兀南陲雲霞幻奇態萬古天

爲低飛鳥莫可上人跡將焉爲上有珠貝宮神
物光陸離吾將遊其樊薄言采玄芝

其三

翩翩黃鵠鳥頓足珠樹林誤入燕雀網稻梁非
宿心羽毛日摧頹逝節已載陰終焉摩青天高
梧結珍禽秋風下木葉各奏世外音凡鳥空嘈
嘈角鷹扇禍淫玄陰一解散求友意何深風翻
或相及無忘寄幽襟

其四

昔我歸山中敬訪江郎石相逢草莽間意氣兩
測識電露無恒期煙霞有真色黃泥天雞沒感
子何所適葛洪以丹砂玄聖終沙磧通潛自天
行達者固無窒贈子白雲篇心知詎宜默

其五

繁霜襲廣野怛怛失衆芳送子不及遠歲晏令
心傷結交豈在故所貴日暮遇曰余罹天弔尚
爾界覺路青山何逶迤行子有所之異域雪霰
盛勿使白鶴疑

讀李賀卷稿

雅音失其傳作者隨風移於楚有屈宋漢則河
梁詞曹劉氣軒軒逸文振哀悲兩晉一精工六
朝遂陵遲角然尚色澤古風不成吹盧王號詞
伯祗用綺麗爲千年取正印乃有陳拾遺或不
盡反朴朝代兼天資所以王李輩向道識所期
大哉杜少陵苦心良在斯遠遊四十載而况經
險巖放之黃鐘鳴斂之珠玉輝幽之鬼神泣明
之雷雨垂變幻時百出與古乃同歸律詩自唐

起所尚句字奇末流亦叫噪古意漫莫知歷茲
六十紀識路良獨稀鳳鳥空中鳴衆禽反見嗤
夜寒理危絃惻惻賞心違

至日

至日風色好粵南霜信遙地卑饒瘴氣春近苗
寒條汶水昔獨往淮南誰見招林栖歲華晏難
免髮蕭蕭

冬日草堂小聚

近郭風霜淡寒天草木稠敝廬元僻野高馬漫

澹留豈是草玄宅能迴訪雪舟生逢 聖明世

未敢杜交游

歲晏答王時行

越王臺下草堂陰萬壽橋東流水心天畔風雲
新歲晏霜前梅柳故園深黃巾亂後只茅屋白
社歸來無橘林挂落最憐王水部近時生理戴
朝簪

喜吾惟可訪少谷兼懷方令

舊國冥心久良朋見面初同爲避地客獨叩草

玄廬花鳥三春暮乾坤百戰餘邇來方拙牧衰
疾復何如

烏石惟可同遊

道山秀盤石春半更嬋媛海水雙江入巖花二
月繁衰容防草昧故老問桃源憐爾南遊思風
煙數斷魂

送惟可還三衢

昔年相逢胥水秋今日重在閩山阪中間喪亂
真憐汝南鄙音塵不散憂別後山陽頻弄笛花

時荆楚一登樓旄頭尚直天西北何地巾車各
自由

寒食

至後百五日堂齋風雨深越鄉寒作食溟海氣
長陰身事南陽役神京北望心采薪纏日月髮
已不勝簪

贈吾謹五首

揭來潛元子偃息蒼雲根懷姝三十祀爲元邁
世屯旬候翔虎羆鳳鳥乃孤騫微榮曷足貴所

貴至道尊糠粃鑄堯舜水虎伏玄門豈同曲轅
櫟遁天得長存

其二

采蘭荒江陬繁芳被羅襦采采不自媚征途爰
有需征途何遙遙波嶺爭洄紆宵旦判辰參卒
歲焉可圖南州瘴霧塞絨蹄下城隅永言守沉
晦去去寧君軀

其三

南服有佳人遺身在遠道上衣雲錦燦下裳花

尊繞容華耀朝曦歲晏結芳草獨行誰與娛抱
影心正搗豈無合歡被附托苦不早楚璞思一
獻和氏莫復保世無良蹇脩雌守以終老

其四

麟爲希曠禎何以至魯藩大道久喪世麟趾在
人間仲冬鉅野風狃獍乃高蹲合圍不予遺靈
物惟其樊虞人折爾足眩爾貂與貍豈但子鉏
商魚跡乃溟溟大鵬息南溟培風會豈高搏紛紛
枋榆鷄安知九霄翰

言

其五

京洛貴遊子結駟康莊衢前麾擁楚舞後驂雜
吳歛結交盡侯門意氣陵上都玉食豺虎側閭
者適所趨寧知窮巷士久仄頓空廬冬裘不掩
脛夕粟無斗儲阨抑曷足悲主者顧乘除神奇
化臭腐榮盛可久居子雲草玄地千載名不渝

大水歌二首

閩州五月雨不歇劔南諸溪水俱發溪邊樹木
纏風雷郭外人家走魚鼈野老惟憂禾黍歇尾

閭不見波濤泄君莫恨去年前年雨水絕越王
臺下江流竭行人道上思飲水古井鹽花白於
雪

其二

玄陰冥冥噎不通五月六月皆天風雷霆嘯海
鳥兎急田野盡在波濤中南山豆苗沙壓死東
畝禾頭半生耳志士寧辭溝壑填農夫自此生
事已君不見無諸城外鬻幼男今歲誅求豈但

三

雙劍篇贈毛汝厲

雙劍在昆吾淬礪良獨勞年歲既已久況茲以
鵝膏豐城古獄下閃閃星文高雲蓬一見收結
珮事遊遨被以黃金鞞繫以赤玉縑霜鋒按月
窟萬里風雷號一劍乃棄置埋照同鉛刀豈不
愛光霽乖謔異所遭有時匣中吼魑魅皆遁逃
神物卒當合世人那得操君看延平津糾糾雙
龍交

出江送汝厲二首

漂漂海上萍卒卒梁間燕與子結同心何意異
鄉縣游團散景光譚討猥深眷瞻茲朱旻際乃
有此睽判川途何渺默年運復流轉豈無繾綣
心王事不可緩君當翔要津我且守迤賤膏煎
以自明璞辱以自銜願言沉光惠勿使闇者見

其二

西北日晚晚宮觀凝寒煙行子暮何之駕言北
之燕前驂結良駟後徒控華旂中興歌響發楚
聲一何繁一闕遠別離再闕行路難薊門無清
塵易水有急湍曠士懷明義天步故多艱賤子
甘自營淪晦亦所懼乖期在昧旦且復敘涼膺
容輝無時及表之英琅玕

獨樹篇

豫章之山盤盤乎截業而倚天石壁萬仞荒芻
噓雲煙上有獨樹風雷纏輪囷偃亞黛色古百
圍竅穴謬吸諤突飄風傳孤根入地幾百尺云
是蘧仙手植距今三千年內注沅瀆華外盪日
月光枝翻浪湧子墮金香自是靈株颺飛動天

雞海鵠空多夢白日影倒彭蠡陰黃昏聲壓香
爐重千峰遠意合太和萬木豈敢爭差我霹靂
空中下矢石洞庭無地浩然風波茲木結踞其
如何大厦長年急梁棟心猜目眩今猶多君不
聞上古有大椿萬六千歲爲秋春精英幻化那
可測至今世有青牛君茲木無乃是不然何以
有此垂天之蒼雲山樊古栢相葱菁早晚移根
天帝庭修條思在雪霜外肯與衆木分光榮相
梨楸桑亦翁鬱梧擊折泄豈辭辱商丘之樗曲
轅之櫟非不巨且齒拳曲軸解徒爲爾吁嗟乎
豫章獨樹何神哉安得長梯倚天畔上採附枝
下柱明堂摧

南山一株松

南山一株松衣被何嬋媯上焉絕雲氣下者抵
流泉季秋零露沍百草乃棄捐修條抗回風况
結霜霰緣附托一得所斤斧那得前所以保容
華閱歲及百千紛紛蟬居子豈知有大年

早秋龍門舟中

鱖子小於葉早秋江上行風波千古轉天地幾
時平病骨憐滄海凡才耻 聖明不眠聞短吹
故國亦飄零

宿象山西塢二首

亂木藏幽鳥清商集古城暝煙分野意山鬼習
人聲未把桐川釣聊爲潁水耕巖棲備寂寞儻
得遇初平

其二

秋雲不稱意膚寸每成霖漏日翻東壁隨風濕

遠岑腰鎌野外急
篝火晚來深入夜
增蕭索千林猿狖吟

寄潘逸老

東湖潘逸老守晦十餘年久病文園枕長貧杜
曲田形骸非故我天地有真詮願汝支離德閒
居讀內篇

海濱書所見

北里萬餘戶漁樵更種田打魚乘水得伐木上
山便禾黍棲兩畝牛羊被遠阡生涯未爲少何

意盡顛連

卧病少谷山中

伏枕東山晚閉門
黃葉幽竹書遺問
歲蟬語易深秋
散地朋情見明時
家食羞唯應習農圃
草野得淹留

今夕

薊門城下月今夕
定如何白骨凌沙礫
黃塵控駱駝
羽書疲傳置胡馬
失關河天子方宵旰
孤臣淚已多

十三夜翫月

粵南秋色復欲暮
城東閉門歲載陰
清霜上鬢豈春事
明月在天關
客心水昏魚龍已
浩蕩木落桑梓亦
蕭森杜老中年更
愁思猿啼來往巴
渝深

答毛汝厲侍御

仲夏夜向短
忽忽不得寐
所思眇天末
鴻鴈冉而至
佳人隔湘波
遺我雲錦字
開絨珠貝光
臺見深意
綢繆梅劍言
詭譎膠漆地
時危先金

甲儒服久淪弊感子情義重難以筆舌記念昔
在京師邂逅意交質文章詎足傳偏愛無妬忌
逢人說項斯益見君子誼我生豈土木噴噴賞
風味頃來趣南方驄馬金絡轡僉僉表幹臣赫
赫天子使始識豸繡衣已褫魑魅氣如何駕
鼓車廼用此騏驎所幸日親炙慰我色憔悴公
門數十尋不見所深邃俯心下微賤此輩一騰
沸平生詩百篇繕寫入篋笥自愧交游間何敢
復當是鄙夫昧逢迎動輒得詈戾遽意遁樵漁

橫逆莽復熾非子善解排何以控軒輊凝情外
形骸奮舌略榮利豈無英乂者與我獨投契朱
炎射北林檣烏蕩離思惻惻羊原屺悠悠呂江
涘樓船忽復解我馬何當係江山一搔首天地
雙揮淚君才萬夫敵偉矣瑚璉器富貴何可言
勛名會多事九域悲風塵三垂更烽燧踈瓜莫
華滋短狐暗窺伺先帝在天靈伏爾濟顛躓
桓桓裴晉公彪炳於史氏王通雖鏗采戀關心
尚闕太平十二策寂寥昔曾試持危良獨難避

色信所致古今賢達士用舍各行志贈于猛虎
篇高歌髮欲豎

少谷山雜興

輪車入城府不染市道塵買山水部巷石壁爭
嶙峋嘉果自四時橘柚及棗榛樹木更茂蕨梅
竹逾精神茆亭覆石上風月爲主賓芸軒矮且
陋著書掩柴門襍穢非我朋心知遠見親神閒
多暇日棋局見本真雖居赤縣會每結青山雲
鱗鱗十萬家刀錐忘夕昕茲山豈遙遠煙容自

津津四郊願寧謐永作草茅臣

亭上

少谷峰頭草亭好清秋原衍爭繁芬石上昌陽
盡九節筍根稚子皆此君放言何求了物意惱
世不徹叅天文平生最愛陶弘景青山百年怡
白雲

授衣

秋草條已歇鳴蛩欲近牀北風吹髮髮九月進
衣裳抱病仍多事逃空未損光黑貂今久弊桂

落歲寒妨

從鳧嶼沿溪陸行抵義江陳職方留謙山

中

鳧嶼迤迤連紫臺瀨江曲曲罷喧逐漁人釣艇
沿溪泊野老柴門傍水開樹底巧通仲蔚宅玄
中殊愧子雲才南遊無得酬佳節黃菊青山共
舉杯

岳上送時行赴闕二首

王粲江湖興幡然爲國謀故山隨意去殘照尚

誰留身事齊門怨天家添室憂蕭條倍憐汝歲
晚拂吳鉤

其二

念爾復赴闕迢迢思昔年雞盟盡豪杰天論老
風煙病向滄江臥書無白鴈傳平生鸚鵡賦萬
一故人憐

冬青樹

道傷冬青樹人好樹亦好豈不纏風雷青青自
持保

寄近夫黃門

憶自吳門再相見風波希闊兩年餘天邊此日
歌鳳鳥海上何時烹鯉魚巢父掉頭終已矣士
元展足近何如秣陵雲樹三千里未得從君賦
卜居

九日憶近夫

忽憶齊州殷給事經年不見使人來往時皂帽
真能落此日黃花何意開南國眼深鴻鴈字暮
雲天遠鳳凰臺泰山梁甫輸心地報汝瑀瑤清

夢迴

草堂

歲事日將晏草堂今苟完天風吟竹葉海月皓
柴門藜莧還高志經綸有故園何能謝貧賤氛
裊在乾坤

遠離別

近別不顧家朝往仍暮還遠別不顧家出門寧
計年出門復入門兒女相牽攀鴻鵠懷四方豈
受燕雀憐涼風動沙磧劔歌慘不歡拔劔莫割

未悵此離別難同胞過海儘所貴天網全孔聖
欲居夷老聃行度關意氣苟相安豈在華夷間
遠別卽當別懷土非上賢

寄林荆門

暮年滄洲客慟哭向窮途春草生歸思秋風慰
病夫青氈後命達白髮此身癯八月衡山去期
君出五瀦

答安黃門

憐君下峽水寄我郢中吟白雲音調遠黃牛風

浪深林丘心獨苦歲月病長侵膠漆知何地迢
迢鴻鵠心

壽林大司馬四十韻

當代論耆德先生第一人行年老益壯浴已日
猶新九牧衣冠胄三朝柱石臣時流立標準前
輩想丰神伊昔遭平世超然充大宥東寮注柳
齋丙史倒陳遵奇思過常調修能異等倫一生
隨日馭十載在成均古學薰移俗名賢類受甄
牽裙留短草啓事起枯鱗瓊瑰辭仙仗金陵乘

大鈞豈無雲錦線可補舜衣鶉鴻運丁天厭元
龜卜世屯文狸翔粉堞玉玦下楓宸溫國言歸
洛宣尼罷問津歲功成者退初服誓當伸几杖
蒼生慕松筠白髮親起居全矍鑠容色愈溫純
不論臨卑幼都如飲酪醇達尊人代少幽意歲
華頻寄癖泉山麓移舟越水濱猶能作小楮亦
稱戴高巾奚用推洪範終然比大椿壽臨文彥
博子得范純仁極北陳情切滇南稅駕真言將
懽菽水不是憶鱸尊臣父深思子臣兒願委身

明王念劬舊溫語藹絲綸李密近還蜀張良
未謝秦銀魚縮房杜玉樹集陳荀萊絲偏宜晚
潘輿每及晨風吹綠野暮花發錦堂春刺史宣
前烈春官振後塵品題惟鳳鳥圖畫必麒麟二
月山川麗全閩氣象臻嵩乎鍾匪物甫也降茲
辰度曲來鸛鶴稱盃拜縉紳龍門登尚忝驥尾
附何因感激吾將仕沾濡俗到淳太平若有象
早晚下蒲輪

送陳侍御使廣

嶺南巨海散溟濛海上羅浮四百峯炎瘴直須
三尺雪鱷魚先避五花驄

讀鸚鵡賦

讀罷鸚鵡賦吾憐禰正平識機寧入網遠害轉
傷生名在心形累時危鼎俎烹異時一掬泪灑
向武昌城

江上別道宗兼懷仲默

却向滄江別潸然感物華林泉移歲月霄漢變
雲霞仗劍亦駭俗出門寧顧家寄言何水部遲

爾折梅花

君莫疑行送道宗赴闕

長歌一曲楊柳枝短歌一曲青雲詞近前勸君
君莫疑男兒不作男女態所貴國士當酬知與
君俱非年少時桑弧蓬矢何當遺腰間環珮光
陸離取媚泉石非其宜留侯只掉三寸舌黃石
將略真王師甯戚車下鳴聲悲風塵漫漫縑短
衣五穀大夫百里奚世主不識終塗泥英雄所
耻比草木且復俛首就馬羈故國萬世尤神奇

安能鬱鬱久居茲子雲寂寞空守雌屈身伸道
非君誰君如鴻鵠合高飛一翥萬里無天涯短
枋香稻藏呆豕弋人慕君君不知閨風玄圃便
棲止慎勿下飲淤塘陂於乎慎勿下飲淤塘陂

挽王生

吾鄉論後進爾最擅詞場十八人間世三千第
子行轅駒未竟步石火不餘光憶昔邢居實秋
風太惋傷

送伍方伯入覲

尊翁吾從祖同第甲申年論世鯁生願通家令
子賢春風虛木榻王事重樓船命薄徐高士栖
栖不受憐

白雀詩

有鳥曰嘉賓結意公院深族類分摠摠中有三
珠禽毛羽白勝雪噦噦吐奇音卑尊與賤貴食
宿明素心虞羅得之喜言是世所琛飼以香稻
粒嬌愛輕黃金置以白玉樊鷺鳥不敢侵行將
貢 明主上林遊駉駉小鳴天地白大鳴徹古

今化國彙拔德修能無滯淫類此蓬室士懷美
遵丘林一朝被爵命照耀巖巒陰永言復自愛
野田有遺吟

威鳳篇

景風布南服晨曦射丹臺威鳳何契闊千載一
徘徊聲響世不傳簫韶昔所諧虞庭既寂寞岐
下亦蒿萊孔雀與野鳥朝代紛疑猜今時夫何
如天末鳴喈喈乃有搏牛畜附托凌太階此曲
不可竟九土方喧唳

聞濤

漲海饒孤寐春山淹去歸魚龍永夜急波浪遠
天違孤志存舟楫清時臥釣磯塵機久已息何
事白鷗飛

送周方伯入楚五十六韻

南來日月淺歛作洞庭遊宦達多離圻旌麾還
阻修人情烏石雨仙路豫章舟樹直黃陵廟花
明白鷺洲攀軒啼老少擁筇振王侯毒草祠能
久濂溪井尚留賢聲望宰輔伊昔盛才猷八辟

參邦典羣疑反楚囚青蓮分黑白丹筆幹宸旒
退食惟書卷攢眉視貴游坐茲不速化寧日向
明投 先帝需梁棟春官襍料樛匪材隨鑿澈
是歲辱甄收分忝門生列知懸孺子酬青雲長
契闊白帝正岫嶠公去安邊傲余歸滯故丘數
年鱗杳杳兩地髻颯颯諸葛綬西土文翁化益
州夷酋達禮樂武弁冠貔貅自古賢人遠殊方
聖主諷朔風吹鳥道春雨下龍湫天共瀘池
遠人兼泮水幽兩川思几杖六詔賴懷柔熨俗

元來野華風今始流文鸕旣翩翩鳴鹿亦呦呦
欲見唐虞理何煩猿狖愁幾時卿月照復爾使
星浮三晉悲歌切中原盜賊稠徬徨家室走感
激歲時道道在無荆棘時艱任寇讎終焉脫虎
口直擬謝蠅頭天欲昌王室帝能追馬周風高
沙塞暮草歇鴈門秋十二事皆舉權豪勢不勾
食芻無款段出牧盡驍騮世待英雄急公宜物
色求無諸所胙土馬亮載鳴騶玉節沾應得風
謠採未休先聲靖強禦能事屬歌謳霄漢瞻洪

翻泥塗非好，仇籠充實忝。徐榻下何網，願縛
南山虎。翻驚北海鷗，倚風悲駘蕩。望斗念僮僕，
貧貸鄰人粟。寒披季子裘，熱中聞舐痔。畢意避
犧牛，名位爭相笑。悲歌不自由，誰能見客意。何
以解吾憂，夜雨聽希曠。春波轉繆悠，大廷稽職
業。南服趣恩麻，江漢雄藩鎮。夔龍注廟謀，雙旌
一以遠。千里秭須，摠卽欲隨黃鵠。終知愧禿鶩，
草深鸚鵡塚。天迥岳陽樓，范老端憂樂。禰衡招
咎尤，獨醒心縷縷。北面意悽悽，公若登三事。須

張竟野不

子夜變歌三章

洪江通海潮，朝往復暮來。出水下洪江，何時逐
潮回。

其二

我欲渡螺江，螺女不可遇。人知子夜來，不知子
夜去。

其三

漢王昔垂釣，白龍從天來。至今龍起處，猶傍漢

王臺

短歌行

跨馬出郭門馬疾不踈鞭長踞挽君馬聽我歌
一言涼風戒芳樹白露淒寒蟬君子有所思遠
遊及幽燕在家人所愛去家人所憐朝饗不及
飧豈得戀膝前下有黃口兒上有滄浪天今時
何清廉盡室難遠遷但見被雲錦麻枲無棄捐
獨行多辛苦加飧以延年

權歌四首

鴻鴈飛來風雪心鴻鴈飛去天山陰二月天山
風雪淺六月天山風雪深

其二

鴻鴈飛去稻梁荒白鷗不飛毛羽傷天寒日暮
黃蘆蕩江水渺茫心渺茫

其三

送君把君綠荷衣悲莫悲今生別離衢陽向上
江水絕縱有鯉魚何處來

其四

青螺江頭遊子吟黃金臺上秋雲深風塵一別
一萬里美人駕車傷我心

中秋同高宗呂傅木虛城東步月有懷京
華舊遊

朗月團秋社涼風薄歲寒故鄉誰獨健永夜此
同看鄰遂傷今昔山杯盡肺肝長安舊朋侶搔
首五雲端

寄惟可

蹇裳采杜若江水何瀾瀾借問采何爲將以遺

君子人心無終極天涯豈伊邇迅節易載陰往
事更怵僂時危生計拙何以托疲蕭桂枝有晚
芳芙蓉在秋水非無歲寒姿亦逐江草萎櫟社
神所祥永言葆玄理

寄顧九和侍講

昔在吳子國對君啓心懷朝遊太湖水暮宿姑
胥臺狂吟各寫志醉倒黃金壘張衡賦四愁王
粲興七哀同心而同調一嘯卑九垓翩翩海鶴
舉颯颯天風來煙波忽相失各在天一涯君爲

九霄翰我似窮途埃音書阻歲年次濼隴間梅
亦有芳菲草念子思悠哉遲暮不我顧零落同
蒿萊

衡山高贈周公儀方伯

吾聞天高不可升南嶽上應天機衡絕地七千
五百丈祝融之峯最巉嶒乾坤開闢自古綱維
平三山西圯六鼇死然後陽門及戶東南傾巔
空遏日乃有此巨鎮儼如天王神武虎臣矯矯
來干城離宮富炎德桂樹常冬榮若非崑崙西

起占樞紐泰山之外誰當南嶽之縱橫芙蓉石
廬勢騰擲雷泓風穴聲礪碣七十二青蓮一一
凌紫清行雲膚寸合呼吸遍四溟鴻鴈高飛不
能過嗟爾鶴上人胡爲抗行雲而上征回風瀟
瀟吹古雪倒看七澤流三星瀟湘如系淪洞庭
君山萍漂一點青纍臣帝子不可以招而返今
但見蒼梧慘澹鼓瑟瑟悲湘靈吾聞地有五嶽猶
天五行衡山萬古合崢嶸日南天關儻或折尾
閭汎溢地道何由成吁嗟乎祝融馭無極朱鳥

來有憑夫何爲乎絳天芒熖炎海波濤驚天生
豪傑須爾用五嶽四瀆爾形彌綸藩翰豈比
塊然者不然天將誰使之清地將誰使之寧周
夫子崇高遍博要如此平生意氣吾與爾

送李道夫赴闕兼懷仲默

胡羯且構患我友之朔方朔方萬餘里金門鬱
煌煌下有避世士大隱而誕章十年風塵深寂
寞中省郎食祿侏儒下修身思何長我有薜荔
裳因子遠寄將一以存苦節一以昭不忘

歲暮懷京華諸友

憂思若不徹歲暮登危岑關山百二重江水渺
且深水深亦有涉山阻亦有臨念我諸同袍一
息斷風音君爲天上鳧我爲水中魚飛潛自情
性安能識盈虛遙望北斗星不見北斗城參辰
俱在天牛女亦分明同域而相避何況異天地

遊子篇

睽彼不周風喟然思九夷九夷限波嶺遊子逝
何之馳車越幽薊天路逾險巖齊州豈不戀巖

威剝人肌襜褕可禦冬所歡不予貽在賤貴所
忽在遠邇所遺子去華衣馬敦我忼慨詞

贈道夫四首

華輶戒昧旦之子北赴闕叢林無繁條天氣正
十月中達判綢繆豈不念鷓鴣贈子金琅玕
吶心結惰京觀多緇塵終風永夕發修坂無逸
軌知者備失屨故家亦有懽浮榮亦有歎志士
無閒居國憂固艱疏將子東門行微言不堪說

其二

大道未底夷回颺無時起君子思致身小人亦
踉蹌結綬晨出門長道從茲始馬周一布衣埋
迹殊無侶常何出片言玄纁轉踳躐一旦白板
扉光彩連州里拙哉孟浩然非無聖天子平生
得意句濩落入泥滓咄咄歸南山悠悠謝朝市
顯晦無賢愚自古靡不爾蘭荈言永懷忽逐春
華菱

其三

頽風吹岳水飲子白玉杯意長酒力微日暮倚

徘徊十年綈袍戀歲杪起離哀咎愆孰與陳遊
衍孰與偕故國不可居魯生行鑿坏金臺何萃
崔首山亦崔鬼茂子竹栢心餘陰及枯荻

其四

富貴苦相迫師徒多遁巡況當強盛時誰能分
沈淪之子仗劍出舉足生煙雲河淮漫浩浩中
有要路津豈忘風波恐壯士念委身陳霜沍修
途落月經秧板良友志異域此意難重陳欲扳
時無何欲往道無因願爲雙意而飛飛出城闈

秦陵

千林松檜鬱相迴永夜風生瀚海哀萬國昔曾
瞻氣象五雲空復護崔嵬古來鳳鳥長難至天
上龍髯定不回苦憶焚香賜第日報恩真愧濟
時才

鄭詩卷之三終

